



Broj: 07/1-11- 34751 / 25
Tuzla, 21-11-2025

GRAD LUKAVAC
Služba za budžet i finansije

Na osnovu člana 33. stav 2. a u vezi sa članom 43. stav 1. Zakona o budžetima u Federaciji BiH („Službene novine BiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25/a/22 i 7/25), a na osnovu akta Grada Lukavac broj: 07-11-3377/25 od 13.11.2025. godine, u postupku davanja mišljenja na Nacrt Budžeta Grada Lukavac za 2026. godinu, shodno članu 33. stav 2. Zakona o budžetima u Federaciji BiH („Službene novine BiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25/a/22 i 7/25), Ministarstvo finansija Tuzlanskog kantona, daje:

MIŠLJENJE

Planirani prihodi i primici i planirani tekući bilans iskazani u Nacrtu Budžeta Grada Lukavac za 2026. godinu, usklađeni su sa članom 33. stav 2. i članom 43. stav 1. Zakona o budžetima u Federaciji BiH.

Grad je primijenio plan prihoda iskazan u projekcijama Federalnog ministarstva finansija/finansija i projekcijama Ministarstva finansija Tuzlanskog kantona.

Obrazloženje

Grad Lukavac obratio se Ministarstvu finansija zahtjevom broj: 07-11-3377/25 od 13.11.2025. godine, u cilju pribavljanja mišljenja Ministarstva finansija na Nacrt Budžeta Grada Lukavac za 2026. godinu.

Uvidom u dostavljeni plan prihoda iskazan u Nacrtu Budžeta Grada Lukavac za 2026. godinu, konstatuje se da je plan usklađen sa projekcijama prihodima od indirektnih poreza dostavljenim od strane Federalnog ministarstva finansija i proslijeđenim od strane Ministarstva finansija Tuzlanskog kantona, aktom broj: 07/1-11-32751/25 od 03.11.2025. godine. Projekcije poreza na dohodak su također u skladu sa dostavljenim projekcijama od strane Ministarstva finansija Tuzlanskog kantona. Navedene projekcije ne odstupaju od projekcija prihoda od indirektnih i direktnih poreza dostavljenih od strane Federalnog ministarstva finansija.

U dijelu plana neporeznih prihoda gradovi su samostalani u projiciranju istih, te Ministarstvo finansija Tuzlanskog kantona, ne može vršiti projekcije neporeznih prihoda.

Uvidom u Nacrt Budžeta Grada Lukavac za 2026. godinu, konstatujemo da je planirani **tekući bilans** u skladu sa članom 43. stav 1. Zakona o budžetima u Federaciji BiH pozitivan, i iznosi za 2026. godinu **7.303.154,00 KM**.

Kako je članom 33. stav 3. Zakona o budžetima u FBiH, utvrđeno da se prihodi iz člana 33. stav 1. i 2. planiraju na osnovu projekcija Federalnog ministarstva finansija i projekcija kantonalnih ministarstva finansija i da je njihova primjena obavezna, to je Ministarstvo finansija Tuzlanskog kantona, utvrdilo da je Grad Lukavac u postupku utvrđivanja Nacrta Budžeta Grada Lukavac za 2026. godinu, u dijelu prihoda, primjenio dostavljene projekcije.

Zbog svega naprijed navedenog dato je mišljenje kao u dispozitivu.

S poštovanjem,

Dostavljeno:
1x Naslovu
1x Evidencija
1x a/a

